

Latgolas TAISNEIBA

Ū T A R D I Ņ,
1947. g. 6. majā
Nr. 54. (267.)
Cena 15 kap.

LATVIJAS K(b)P
DAUGAVPIĻS APRINĶA
KOMITEJAS
UN APRINĶA
IZPYLDKOMITEJAS
ORGANS

Sekosim Skaistas pogosta pīmarā un atzeimēsim Uzvaras dīnu ar pilneigu paraksteitō vaļsts aizjāmuma apmoksū, ar sējas dorbu masveideigu pabeigšonu

Padūmjū patriotisma pīmārs

Vysa daudzmiljonu padūmjū tauta ar kotru dīnu kōpynoj sova rodušō dorba spēkus, lai pēc īspējas otrōk izdzeivōtu smogōs kara sekas un pacaltu sovu tautas saimnīcību, kulturu un labklōjību vēl naradzātūs augstumūs. Stalina pīcgades grandiozō celtnīcības programma apbruņoj padūmjū tautu ar vysgaišōkom sovas leiōs nōkūtnes izredzem, ar nasalaužamu gribu pōrvarēt vysas pēckara gryuteības un panōkt komunisma pilneigu uzvaru myusu zemē.

Kotrs padūmjū cylvāks pilneigi apzinojās, ka jaunizlaistais Ūtrais PSRS tautas saimnīcības atjaunōšonas un atteisteības aizjāmums un pasaraksteišona uz šū aizjāmumu ir vīns nu spēceigōkim leidzeklim paōtrynōt pyrnskara dzeives līmiņa sasnēgšonu un pōrsnēgšonu. Tōpēc ziņa par jauna vaļsts aizjāmuma izlaisšonu jau pyrmos stuņdēs izavērtē par varenu vysas tautas demonstrāciju un aptvēre ar pasaraksteišonu uz aizjāmuma desmitus miljonus padūmjū zemes īdzeivōtōjū.

Ari myusu aprinķa strōdnīku, zemnīku, kolpōtōju un inteligences lelais vairōkums jau pyrmaajā dīnā pasarakstēja uz jaunō vaļsts aizjāmuma un īvārojamu daļu nu paraksteitōs sumas īmoksōja skaidrā naudā.

Slovonu vītu ījēme Skaistas pogosta dorbaļaudis, kur leidz 4. maja 10 stuņdem vokora t. i. četru stuņžu laikā gondreiz vysi pogosta zemnīki pasarakstēja uz aizjāmumu. Paraksteitō suma Skaistas pogostā jau sasnēdze ap 180 tyukstūšu rubļu, nu kuras skaidrā naudā īmoksōts 112 tyukstūšu rubļu. Sakarā ar tyvojūšūs Uzvaras dīnu, skaistōnīši dūt sūlejumū, par gūdu šim lelim padūmjū tautas svātkim, treju dīnu laikā vysi, kai vīns, nūmoksōt atlykušū paraksteitō aizjāmuma sumu.

Reizē ar naudas leidzekļu mobilizāciju tautas saimnīcības atjaunōšanai un atteisteibai Skaistas pogosta zemnīki stōjušis pi masvei-

deigas pavasara sējas dorbum. Uz 4. maju pogostā beja apsāts ap 50% nu sējas plateības. Zemnīki pilik vysus spēkus, lai leidz Uzvaras svātkim vysumā pabeigt vosorōju sēju. Šī fakti līcīnojoj ar kaidu patriotisku pacylōteību Skaistas pogosta zemnīki sovu izpyldkomiteju un partijas organizācijas vadeibā aizdūt sovus naudas leidzekļus myusu socialistiskōs Dzimtīnes tautas saimnīcības un kulturas līmiņa tōļōkai paceļšonai un uzplaukumam. Ar kaidu dorba sporu jī ceinōs par augstū šō goda ražu, kurai ir jōlik drūši pamati VK(b)P CK februara Plenuma lāmumā nūteiktōs lauksaimnīcības atteisteības programmas izvesšonai dzeivē.

Pats par sevi saprūtams, ka reizē ar Skaistas pogosta zemnīkim tyukstūšas cytu pogostu zemnīku bez svōrsteišonōs rōda tikpat dedzeigu padūmjū patriotisma izpausmi, pasarakstūt par syntim un tyukstūšom rubļu uz jaunū vaļsts aizjāmumu. Vysa apzīneigō zemnīcība zyna, ka pasarakstūt uz aizjāmumu, jei pasaraksta par sovu laimeigū reitdīnu; zyna, ka šōs dīnas pilneigi jōizmontoj, lai natikai pabeigtu paraksteitōs sumas īmoksū vaļsts kasē, bet ari lai vysumā pabeigtu pavasara sēju un ar tū nūdrūšynōtu bogōtu teirumu ražu.

Partijas un komjaunōtnes organizācijom, izpyldkomitejom un vysam pōrejam lauku aktivam šymōs izšķirūšōs dīnōs ir jōizvad vēl naatlaideigōks politiskōs izskaidrōšonas dorbs zemnīku, strōdnīku un inteligences vydā par jaunō vaļsts aizjāmuma lelū saimnīciski - politiskū nūzeimi, lai vysi īdzeivōtōji, bez izjāmuma, dabōtu īspēju aizdūt vaļstei sovus naudas leidzekļus. Lai napalyktu nīvīna zemnīka, kas nabyutu šymōs dīnōs pasējis sovus vosorōju teirumus, lai lelōs Uzvaras dīnu myusu aprinķis satyktu kai uzvarātōjs ari vaļsts aizjāmuma realizācijā un pavasara sējas dorbu pīkšzeimeigā izvesšonā.

Par gūdu Uzvaras dinai

Skaistas pogosts kai pyrmais aprinķi pabeidze pasaraksteišonu uz vaļsts aizjāmumu un tys tyka izdareits nadaudzu stuņžu laikā. Lobus patriotiskus pīmārus rōdēja kooperatīvūs apvīneibu «Sorkonais Orōjs» un «Nidreite» bīdri, Baltiņu un Kazinču cīma padūmjū zemnīki un daudzi cīmi.

Kazinču zemnīki pōrs stuņžu laikā pasarakstēja uz 31 tyukstūšu rubļu, īmoksōjūt skaidrā naudā 24 tyukstūšas. Indricas, Jurānu un Ludvikovas desmites vysu paraksteitū sumu tyuleit dzēse ar naudū.

Zemnīki Ignats Gēiba (Kazimirova), Iļja Cicans (L. Indrica), sešdesmit godu vacō zemneica Helena Pecilevičs

(Cauneiši) pasarakstēja pa 500—600 rubļu kotrs un tyuleit šū sumu īmoksōja.

Zemnīki, kuri vēl napaspēja par paraksteitū aizjāmumu īmoksōt naudā, sūlōs tū izdareit leidz Uzvaras dīnai.

Kai sovu ūtrū svareigōkū pīnōkumu Skaistas pogosta zemnīki uzskota pavasara sēju. Reizē ar pasaraksteišonu uz vaļsts aizjāmumu pogostā rit spraigs sējas dorbs. Gondreiz puse nu vosorōju sējas plana jau izpīldeita. Kooperatīvōs apvīneības «Sorkonais Orōjs» un «Nidreite» jau pabeidze sēju. Vysa pōrējō zemnīcība grib atzeimēt Uzvaras dīnu ar sējas pilneigu pabeigšonu.

P. Klavens

Par bogōtu un laimeigu dzeivi

Ar kotru stuņdi pīaug pasaraksteitōju skaits uz vaļsts aizjāmumu Leivōnu pogostā. Leidz 5. maja pušdīnom paraksteitō suma sasnēdze 156 tyukstūšas rubļu, nu kuras ap 40 tyukstūšas rubļu jau īmoksōts skaidrā naudā.

Pēternīku un Leivōnu cīma padūmjū zemnīki 5. maja reitā symtsprocenteigi pasarakstēja uz vaļsts aizjāmumu.

Storp zemnīkim daudz taidū, kuri pasarakstēja par vairōkim syntim rubļu un tyuleit tūs īmoksōja vaļsts kasē. Upenīku cīma padūmes pīkšsādātōjs b. Anfimovs, kuram agrōk nabeja zemes, pasarakstēja un īmoksōja 500 rubļu. Zemnīku sanōksmē jys teice:

Saimnīcības un kulturas atteisteibai

Ar lelu patriotisku pacylōteību dorbaļaudis pasaraksta uz jaunū aizjāmumu, aizdūt sovus naudas leidzekļus myusu tautas saimnīcības un kulturas atjaunōšanai un tōļōkai atteisteibai.

Lobu pīmāru osyunišim parōdēja šō pogosta dorba zemnīks Francis Trapša. Jys, kai vīns nu pyrīm pogostā

— Ulmaņa Latvijā es beju kolps. Padūmjū ikōrta mani nūdrūšynōja ar zemi un saimnīcību, un, lai myusu Dzimtine byutu vēl varenōkā, bet zemnīcība dzeivōtu laimeigu dzeivi, es pasarakstu uz vaļsts aizjāmumu.

Pēternīku cīma padūmes zemneica, 6 bārnu mōte, Marija Sadvovska, sovā runā telce:

— Muns veirs kryta par myusu padūmjū Dzimtini. Es gribu, lai lobōkais pīmeklis jam byutu myusu bogōtō dzeive. Es pasarakstu uz aizjāmuma par 400 rubļu un aicynoju vysus zemnīkus sekōt munam pīmāram.

K. Leivāns

Organizēteības pīmārs

Tautas saimnīcības atjaunōšonas un atteisteības vaļsts aizjāmums atroda lelu atsauceibu Leiksnas pogosta zemnīkūs.

Daudzi zemnīki šymā pasōkumā uzrōdēja spylgtus pīmārus. Leiksnas cīma padūmes pīkšsādātōjs A. Svētenš un Mukōnu cīma padūmes lauksaimnīcības kooperatīvōs apvīneības bīdri F. Kōkins pasarakstēja kotrs uz 1000 rublim un paraksteitū sumu tyuleit īmoksōja. Mukōnu cīma padūmes zemnīki T. Traškovs un E. Selivanovs un Patmaļu cīma padūmes zemnīks Jankovskis pasarakstēja kotrs uz 500 rublim un vairōk kai pusi nu paraksteitōs sumas tyuleit īmoksōja.

Seviški organizēti pasaraksteišona Ūtram vaļsts aizjāmumam nūrit Augšgulānu cīma padūmē. Šōs cīma padūmes zemnīki leidz 5. maja pušdīnom pasarakstēja par 30.175 rublim un īmoksōja skaidrā naudā 9.365 rubļus. Leiksnas cīma padūmes zemnīki dažu stuņžu laikā pasarakstēja uz 28 tyukstūšom rubļu un īmoksōja naudā trešdaļu nu aizjāmuma paraksteitōs sumas. Ratnīku cīma padūmes īdzeivōtōji pasarakstēja uz 24.875 rublim un lelu daļu nu šōs sumas pi pasaraksteišonas īmoksōja. Pasaraksteišona sekmeigi nūrit ari pōrējōs Leiksnas pogosta cīma padūmēs.

E. Sparāns

Pōrsnēdze planu

Leivōnu pīlsātas un pogosta dorbaļaudis 1. Maja svātkus sagaidēja ar īvārojamom dorba uzvarom.

Leivōnu kudras fabrikas kolektīvs apreļa mēneša planu izpīldeja par 140%. Sadvovska un Mičuleva vadeitōs brigades ikdīnas izpīldeja normu par 115 — 130%.

Ryupnīcības kombinata «Straume» dorbaļaudis 1. Maja sagaidēja ar apreļa plana symtsprocenteigu izpīldeišonu. Par gūdu Maja svātkim sōce dorbōtīs ari Leivōnu kaļču ryupneica direktora Brūniņa vadeibā.

A. Hauls

B. Janovs

